

خزینہ اوراق

نمبر ۶

تاریخ تاسیس
۱ مایس سنہ ۱۲۹۷

جمعہ ابرتسی

عمومی اعتباریہ فنونہ دائر رسالہ ادیبہ در

آیدہ درت کرہ اولہرق جمعہ ابرتسی کوئلری چیقار

مہینہ پاشا حضرتلری بوندن اون سنہ مقدم لاجل الزیاریہ
مسقط رأسی اولان عینتابہ کیدوب استانبولہ عودتی اثناسندہ
عینتاب ادبای بنامندن حصیرچی زاده محمد اغایہ یازدینی
مکتوبدر :

کوکل مائل سمت ستانبولدر اماکہ ترک وطنندنہ مامولدر
ایکی طرفدہہ انجذاب درون بر کالدر بوندن متأثر اولماق
محالدر یارب نہ مشکل حالدر (افتادہ گاہ من بیمان دوکھربا)
تمام حسب حالدر باعث اضطراب بالدر یا بونلردن قنغیسی
فدا ایٹک قابل اولور عقل وانصاف بوکا نصل قائل اولور
ایکسینک دہ حق نعمتی عروق واعصابہ ساریدر . کو یا کہ ماہ
جاریدر ایکسیدہ برچوق اسباب میل ورغبتی جامعدر انفس
مواقعدر بریسی دایۃ وجود ونشأتدر بریسی مایۃ فیض
ورفعتمدر بریسی عروس عربستاندر بریسی مغبوط عموم جهاندر
بریسی منبع علم وکالدر بریسی مرکز جاہ وجلالدر . نہ بریسی
چوقندن برو خدمتی ترک ایشدیکم ایچون بنی آستان رحم
وشفقتدن رد ایدر وندهہ دیکری آغوش تربیدسندہ پرورده
اولمدیغم حالده اوز اولادینک مادونشدہ عد ایدر طوغریسی
ایکسینک کی دہ محض مرؤندر کال فتودر . (بوکشا کشلہ یولہ

روان ایکن کریوه حزن وملالده افتان وخیران ایکن غلام غفلت
مرتفع اولدی . ظلام حیرت مندفع اولدی . شهره حقیقت
کورندی . درگاه سعادت کورندی . مشعل اتقان یاقدم . چشم
امعان ایله باقدم . کوردم ایکیسی بروطن ایمش . صفا بخش
جان و تن ایمش . مکر بوخاصه ممالک عثمانیه نك هر جزونده
وار ایمش . اهل بصیرته اشکار ایمش المندلله حقیقت حب
وطن معلوم اولدی . سر وحدت مجزوم اولدی . ارتق
کوکل بوصله سی نه عینتابی ونه ده آستانه یی کوستر عوما بمالك
شاهانه یی کوستر (یارب بنی بوخاک پاکدن دور ایتمه . دور
اولسدمده حسن التفاتدن معجور ایتمه مینای دلی صهبای محبتله
یر ایتدک کاسه سیریمی ده انک خاکله لبریز ایت ایکی جهانده
بنی عزیز ایت الهی وطن عزیز وطن سایه سنده معور
ایت . اعداسنی مقهور ایت . راه محبتده تم خاک اولسون
خاکله چشم امیدم تابنک اولسون (بودعالله ترزبان اوله رق
امید اجابتله شادمان اوله رق . صوب مقصوده عنانتاب اولدم
وارسته قید ستابول وعینتاب اولدم .

اکرم بک افندی حضرتلرینکدر

اولانلر فیضیاب انقباه اثار قدرندن

البرل حصه عبرت تماشای طبیعتدن

ای روح مدهوش ! طالمش اولدیفک خواب کران غفلتدن
ارتق بیدار اول . سنی احاطه ایدن شو تماشاگاه بر شکووه
عطف نظر دقت ایله . کندیکي ومحاورات سائرهمی مشمول نگاه